

مسکن شمس الدین

سر ۶ ۱ ۳۰ ۳ ۱۳

والله يهدي من يشاء الى صراط مستقيم دینی ، علمی ، ادبی ، سیاسی هفته لق بمجوعه اسلامیہ در اتبعون اهدکم سبیل الرشاد

صاحب و مدیر مسئول : ح . اشرف ادیب

جلد ۲ — ۹

۱۵ شوال ۱۳۳۰ پنجشنبه ۱۳ ایلول ۱۳۲۸

عدد ۳۰ — ۲۱۲

بونلرک هپسی (یفتون) نظم جلیلتک مادر اشتقاقی اولان (فتنه) لفظ عامتک دائره شمولی داخلده . کویا شمعی شرف نزول ایتیشده بزی کوستریور . بزی لوم وتویسیخ ایدیور . بزم وصف حال فلاکت مالمز اولیور . بزی توبیه ، تذکره ، انصافه ، اخوته ، سلامته دعوت ایدیور . ویل .. اوامته ، که جناب قرآن مبین کی هرامری عین نعمت ، هر نهی محض حکمت اولان بر منبع قوانین انسانی ، بر مأخذ دساتیر مدنی ، بر مرشد شاه راه سلامت وسعادت او موزندن فیلاتوب آرقه سنه آتسینده صوکرآینه سلامت حال وسعادت استقبال اومسون ! اومسون ، اومسون ! !

م . فخرالدین

بسم الله الرحمن الرحيم

واعتصموا بحبل الله جميعاً ولا تفرقوا واذکروا نعمه الله علیکم اذ کنتم اعداء قالف بین ولوبکم فأصبحتم نعمته اخراناً وکنتم علی شفا حفرة من النار فانقذکم منها كذلك یبیین لله لکم آیاته لعلکم تهتدون .

ترجمه

• هپکن بزدن اللهک کتابنه صیم صیقی طوتونیکز ؛ بر بریکزدن آیریلایکز ؛ جناب حقک اوزریکزده کی نعمتی خاطر لایکز ؛ هانی ، بر زمانلر بر بریکزده دشمن ایدیکز ، اوسزک قبلریکزی برلشدیزده اونک لطفی سایه سنده . قاردش اولدیکز ؛ هانی ، بر زمانلر جهنم اوچورومنک کنارنده ایدیکز ، اوسزی اورادن قورتاردی ؛ ایشته ، طوغرو یولی بوله سیکز دیه الله آیتلرینی سزه بویله جه بیلدیریور .

آیت جلیله آل عمران سوره سنه منسودر .
• کتاب الله هو حبل الله الممدود من السماء الى الارض - حبل الله هو القرآن . کی احادیث صحیحیه باقیانجه آیت کریمه کی حبل الله قرآن اولدینی آکلاشیلیر . بوندن مقصد اسلامدر ، دینلرده اولمشدر . ذاتاً بویکی توجیه : بزدن آیری دکدرکه . اویله یا ، قرآن اسلامک کتابی ، اسلام ایسه او کتابک مال مستطایدر .

بومغروی وروحی خسته لغت جمعیات بشریه آراسنده کی تخریبات هائله سی قولرادن مدهش ، طاعوندن مهلک ، وبادن بیامندر .
بوخرد سوز حقیقته بیکلرجه سنه لک تاریخ بشریتک هر صیفه سی نفاق وشقاقک ، فتنه وفسادک قرنی اولمش اولان ملتک خون آلود بر شاهد اقراض واضمحلالی ایکن ینه نه حیرتدر ، نه حکمتدر ، نه غرابتدر ، که امراض ساریه مادیه دن متوحش وتخریبات خانما . نسوزندن مدهش اولوب دفع ورفعی ایچون فرط تلاش واهمیتله وسائط تحفظیه وتدابیرشیده صحیه اتخاذ ایدن ، دائماً چارلر بولمغه ، علاجلر ، سهر و ملرایجادینه چالیشان انسانلر طاعون شقاقه ، وبای نفاقه سودازده بر عاشق کی مفتون اولورلر . اوجلاد انسانی . اوقاتل جمعیتی قبلرنده ، دماغلرنده بسلرلر . مرض مادینک صولتدن بوتون قوتلرله آلا . بیلدکلیینه دنیانک براوجندن دیکرینه قاچارکن اوندن بیک قات مدهش ، بیک قات مهلک اولان بر مرض معنویک آغوش جاذبه دارینه (؟) جان آتارلر . اوکایله بیلله تسلیم روح ایدرلر ! ایشته انسانلرده کی تناقض عقلی ! ضلال وجدانی ! عمای ادراکی ! فقط ای یک زوالی عقل سقیم ! سن هیئت اجتماعی ملیه نک نصل بر کف الامان حیات اولدینگی بیلیم . بیچین آکلامیور ، یاخود - ده دوغریسی ! - بیچین آکلامی ایسه میورسک ؟ سن اوجعیندن چیق ! اوسینه شفقت بروردن آیریل ! او آغوش وفا کستردن چکیل ! برداغ باشنه کیت ! بر اورمان ایچنه دال ! حتی عالمه کی ده برلکده کوتور ! بر آغاج قوووغنده ، بر مغاره ایچنده دغدغه سزجه مسعودانه (؟) . بختیارانه یاشا !! نصل ... ؟ ممکن دکدر . محالدر . بوتکلیف بی مالدر . چونکه فقدان ادراکه الدر . اویله می ؟ بردها اویلمی ؟ آفرین بو ادراک محاله ! دیمک اوسنجه هرشیدن معزز اولان حیانتک محافظی او کتله اخوت ! او محترم جمعیت ! اوسینه شفقت ! او آغوش انسانیت ! او محو اولورسه سنکده قیمتلی حیانتک ، سهوکیلی جانک محو اولور کیدر . یا بوحقیقتی ادراک ایدیورسکده سینه شفقتنده افراد عالمه کله سعادتک بوتون معناسی ایچنده یاشامقده اولدینک او - نجه حیانتک قادر قیمتدار ، جانک قادر معزز اولان - جمعیت حیاتی نهدن دوشونمیورسک ؟ اومقدس حیاتی دوشونمک عینله کندی ئوز جانی دوشونمک دکلی ؟ ایشته برداغ باشنه چکلمه نک ، بر آغاج قوووغنده ، بر مغاره ایچنده یاشامه نک امکانسزلغی ادعا ایدن وبوتکلیفک معنی و مأسزلکنی خنده استحقاف ایله اوموز سیلکهرک سویله بن سنسک !

کرچه بو آیت جلیله اوزدورت عصر اولکی منافقین حقنده نازل اولمشدر . فقط باق ! عبرت کوزیله ناق ، که متوالی فتنه لردن ، متنوع بلالردن ، مصیبتلردن ، فلاکتلردن بحث ایدیور . محشر دولوسی دوللری ، یتیملری ، یرلری صارصان ، کوکلری ایکله تن فریاد و فغانلری ؛ صوکرآ قحط و غلارلری ، طوفان نمون بورالری ، دولو - لری ، مملکتلری آلتی اوستنه کتیرن زلزله لری خبر ویریور .

حضور رب العالمینہ جیہ حق بوزیکز قلمایہ جقدر . زیرا با یکز ،
بیغمبریز صلی الله علیه وسلم افندیز حضرتلری نه بویوریورلر :
محمد عاکف

حدیث شریف

قال رسول الله صلى الله عليه وسلم: ليس منا من دعا الى عصبية
وليس منا من قاتل على عصبية وليس منا من مات على عصبية

بوحديث شريف سنن ابی داود حدیثلرنددر . راویسی جبر بن
مطم رضی الله عنہدر . معنای شریفی :

« عصبیت دعواسنه قالقیشان ، اونی ترویج وتشویق ایدن بزدن
دکدر . عصبیت اوزرینه قتاله کیریشن ده بزدن دکدر . کذلک عصبیت
دعواسی اوزره اولن ده بزدن دکدر . »

« بزدن دکدر ، دیمک اولان » ایس منا « وعید شدیدی حاوی
اولان احادیث منیفه نبویه بزمسلمانلرک صورت مخصوصده نظر دقت
واهمیتی جلب ایتمه سزادر . رسول اکرم صلی الله علیه وسلم افندمزک
بزدن دکدر دیه جک درجده تویخ وتقریفنه لایق اولانلر عجبایدین
اسلامک دائره حفظ وامانه داخلیدرلر ؟ دیه بحق شبهه ایدیلر بیلر .
خصوصات سائرده اولدینی کی دین خصوصنده کی جهلمزده بدرجهیه
وارمشدرکه بودرجه شدید اولان تهدیددن بیلر خبردار دکدر . انسان
کتب حدیثک صحایف قدسیه سنی قاریشدرلرکن هر آدیم باشنده اولر
تنبیلرله ، اولر تویخلره تصادف ایدیورکه مهبط وحی اولان ذاب جلیل
رسالت پناهینک نظام اجتماع بی آدمی تأمین ایدم جک کلیات و جزئیات
امورک هیچ برنی اهل ایتمه مش اولدقلرینی کوردرک وله وحیرتله قاریشیق
براطمشان ایلر شعله ایماننده کی قوت تضاعف ایدیور . واحکام دین
میمنزک سائقه نادانی ایلر لایق کورولدیکی غفلت ونسیانه باقرق عالم
اسلامک بوکونکی حال پریشانندن دهادون بدرکله ناصل اولوبده
سقوط ایتهدیکنه شاشیور .

بوحديث شريفه موضوع بحث اولان نهی شدید وقطعی مسلمینک
خانمان بقاسنی ییقمق ، یینلرنده قانی مجادلاته یول آچق شانندن
اولان « التزام عصبیت » حقددر . « عصبیت » کندی عصبه سنی ،
اقرباسنی حمایه مقصدیه دیگر کیمسه لره تجاوز ایتک معناسنه کلیرکه
بهیقینک واثله برالاسقفدن روایت ایتدیکی دیگر بر حدیث شریفه
« العصبية ان تعين قومك على الظلم = عصبیت قومک ظلم اوزره
یاردیم ایتمه کدر » دییه تعریف بویورلمسی ده بوکا شاهددر .

دین اسلام داخل دائره نجاتی اولانلر یتنده بر مساوات تامه
تأسیس ایتشددر . بوتون مسلمانلر قارده شددر . لسان شریعتده نروده

جماعت مسلمینک ، دایده پریشان ، هم عقیده محکوم خسران
اولمسی ایچون هر نه صورتده . هر نه ماهیتده اولورسه اولسون . تفرقه بی
اتساج ایدم ک بوتون حرکتلردن زی نهی ایدن آیت یالکیز
شوترجه ایتدیکمزددر ، ظننه دوشمیلم . واطیعوالله ورسوله ولاتنازعوا
فشفلاوا وتذهب ریحکم — وان هذا صراطی مستقیما فاتبعوه ولا تتبعوا
السبل فتفرق بکم عن سبیلہ — ان الذين فرقوا دينهم وكانوا شيعا حلت منهم
في شئني — انما المؤمنون اخوة فاصلحوا بين اخويکم ... کی دها
برچوق آیات شریفه ایلر نامتناهی احادیث منیفه ، هب یا عینی غایبه وحدته
سوق ایدم جک برر امری ، یاخود اوغایتدن اوزاقلاشماق حقددر
برر نهی تضمن ایدیور .

نه حاجت ! بو اوامرک ، بونواهینک هیچ بری اولمسه ، اداسیله
مأمور اولدیغمز فرائض ناچین سورلرینه یاصلانمش بر موغول ایلر
شاربالقانی اتکلرنده دولاشان بر آناوود آرمسنده اک صاغلام براخوت
رابطه سی وجوده کتیره جک ماهیتی حائر دکلی ؟

تاریخ اسلامه آریجق وقوفی اولانلر انصارک مهاجرینه قارشى
نه بویوک فداکارلقلر کورتردیکنی بیلرلر . اوت ، سهاختک ، انسايتک
بورجه سی اوقته قدر وقوعه دکل ، خاطره بیلر کلمه مشدی ! حال بوکه
زمان جاهلیتده بونلر بربرینک خصم جانی ایدیلر . مختلف قبیله لر
آرمسنده کی قانلی محاربه لر یتیمک ، بوکنمک بیلر طاقدن دکل ایدی .
نیته کیم اوس ایلر خزر ج تام بوزیکرمی بیل بربرینی بوغلازلامشدی .
ایشته عصرلرجه سورن بومدهش مخاصماته خاتمه بی مسلمانلق ویردی .
قائل یکدکرینه قارشى خصم جان ایکن فیض اسلام ایلر بردن بره
یارجان اولدی . آرتق بوتقرر ایدن صلحک ، تأسس ایدن اخوتک
سایه سعادتنده بک بختیار برحیاته نائل اولان جزیره العرب سا کنلری
بتپرستک لوشتدن صیریلررق ساحه بورا ورتوجیده بوکسلمک صورتیه
حیات باقیه لرینی ده تأمین ایلدیلر .

ایشته آیت کریمه ده براسلوب امتنان ایلر بیان بویوریلان ؛
هر زمان یاده آلماسی امر اولنان نعمت بونعمت عظماندر .

مسلمانلق عرق ، رنگ ، لسان ، محیط ، اقام اعتباریه بربرینه
بوتون باباچی عنصرلری عینی ملیت آلتنده جمع ایدن یکلنه رابطه
ایکن ؛ هله بزعمانلیر ایچون دنیاده بورابطه یه درتال ایلر صاریلقدن
باشقه سلامت یولی بوقکن ؛ شوصوک سنه لره میدانه چیقاردیغمز
قومیت ، عصبیت کورولتولرینه شاشماق الدن کلر ! بوقدر حکومات
اسلامیه هب تفرقه یوزندن محو اولدی ؛ هم برچوغی کوریمزک
اوکده قاینایوب کیتدی ده بزحالا انتباهه کلپوزر ؛ حالاماتی نامتناهی
بارچهرله آیره جق برسیاست کوردویورز !

ای جماعت مسلمین ، عقلکیزی باشکزه آلکیر ؛ غیرت قومیه بی
برطرفه بر اقیکز . رابطه دینی بر آز دها اهل ایدم جک اولورسه کز
ای بیلکیزکه تار مار اولور کیدرسکیز . هم اوپریشانلقدن صوکره
بردها دنیاده جمعیت یوزی کوره جککیز اولمادیکی کی ، فردای قیامتده